



**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod. Općinski sud Sarajevo, MBS 65-01-0419-11; JIB 420068970001; Carinski broj 200068970001  
RACUN: 3387302205238447, UniCredit banka d.d. Mostar, BiH

Vrsta dok.	Izdavač	RB
<b>DOP</b>	<b>5 01</b>	<b>2885</b>

Strana:  
1 od 1

Broj protokola: 05-1-251-509-18/24

JAVNO

**DATUM:** 19.04.2024. godine

**PRIMALAC:** **FRACTAL d.o.o. Žepče**  
**PROCESSCONTROL d.o.o. Sarajevo**  
**MIGROS d.o.o. Sarajevo**  
**ARGON SISTEMI d.o.o. Sarajevo**

**PREDMET:** Obavijest o prihvatanju ponude u postupku nabavke robe:  
– Jednokratne parking kartice

**VEZA:** Naš broj: 958/24

Poštovani,

na osnovu člana 71. Zakona o javnim nabavkama ("Službeni glasnik BiH", broj 39/14 i 59/22) obavještavamo vas da je, nakon okončane procedure prikupljanja ponuda za nabavku robe: Jednokratne parking kartice, provedene metodom Otvoreni postupak, na prijedlog Komisije za provođenje predmetnog postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, kao najpovoljnija, odnosno jedina prihvatljiva ponuda, ocijenjena ponuda ponuđača ARGON SISTEMI d.o.o. Sarajevo.

S poštovanjem,

DIREKTOR

Alan Bajić

Prilog: Odluka o prihvatanju ponude;

**DOSTAVLJENO:**

1. Ponuđačima
2. Upravi Društva
3. Sektoru za administrativnu podršku
4. a/a

DOP PR 05-00 03 01 Dopis, 1. izdanje/Rev 0



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opc@sarajevo-airport.ba
WEB	www.sarajevo-airport.ba	/	/

*[Handwritten signature]*

*[Handwritten signature]*



<b>U P R A V A</b>	Strana: 1 od 2
Broj protokola: 05-3-25-1-504-13/24	JAVNO

Datum: 19.04.2024. god.

Na osnovu člana 70., a u vezi sa članom 25. Zakona o javnim nabavkama („Službeni glasnik BiH“, broj 39/14 i 55/22) i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke Komisije za provođenje postupka javne nabavke robe: Jednokratne parking kartice, broj: 05-3-25-1-504-16/24 od 16.04.2024. godine, Uprava J.P. Međunarodni aerodrom "SARAJEVO" d.o.o. Sarajevo, na 207. sjednici, održanoj dana 19.04.2024. god., donosi

## O D L U K U

### I

Za nabavku robe: Jednokratne parking kartice, prihvata se ponuda ponuđača ARGON SISTEMI d.o.o. Sarajevo, broj: P-010424/001, zavedena na protokol J.P. Međunarodni aerodrom "SARAJEVO" d.o.o. Sarajevo dana 04.04.2024. god., pod brojem: 03-1-25-1-504-13/24, koji je ponudio cijenu za predmetnu nabavku, u iznosu od: 84.840,00 KM (slovima: osamdesetčetirihijadeosamstočetdeset KM), bez PDV-a.

### II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

## O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Jednokratne parking kartice, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 05-3-25-1-504-3/24 od 05.03.2024. god., a Rješenjem, broj: 05-1-25-1-504-4/24 od 11.03.2024. god., imenovao je Komisiju za provođenje postupka.

U skladu sa navedenom Odlukom, J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) je objavio obavještenje o nabavci na portalu javnih nabavki, broj obavještenja: 246-1-1-181-3-43/24.

Do ostavljenog roka za predaju ponuda, 04.04.2025. god., do 12,00 sati, na adresu Društva ponudu su dostavila četiri ponuđača, i to: FRACTAL d.o.o. Žepče, PROCESSCONTROL d.o.o. Sarajevo, MIGROS d.o.o. Sarajevo i ARGON SISTEMI d.o.o. Sarajevo.

Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene iz Obrasca za cijenu ponude, i to:

- FRACTAL d.o.o. Žepče: 99.262,80 KM, bez PDV-a;
- PROCESSCONTROL d.o.o. Sarajevo: 84.840,00 KM, bez PDV-a;
- MIGROS d.o.o. Sarajevo: 84.840,00 KM, bez PDV-a;
- ARGON SISTEMI d.o.o. Sarajevo: 84.840,00 KM, bez PDV-a.

Nakon javnog otvaranja ponuda, Komisija se sastala radi detaljne analize ponuda, te je nakon izvršene analize konstatovala kako slijedi:

#### 1. FRACTAL d.o.o. Žepče

Prilikom detaljnog pregleda ponude komisija je uočila više formalno-pravnih nedostataka, i to:

- ANEKS III – Obrazac za cijenu ponude nije popunjen na način zahtijevan tenderskom dokumentacijom. Naime, ponuđač je u rubriku *Ukupna cijena za sve stavke bez PDV-a* upisao iznos od 99.262,80 KM, što je preko procijenjene vrijednosti nabavke, te je ponovio isti iznos i u rubrici *UKUPNO* u kojoj je potrebno navesti cijenu sa uračunatim PDV-om;
- ANEKS IV – Nacrt ugovora nije u potpunosti popunjen, tačnije rubrika preambule predmetnog aneksa koja se odnosi na sjedište banke, iako je tenderskom dokumentacijom u tački 5.1 pod e) izričito navedeno „samo preambula je obavezna“;
- Potvrda o dobro izvršenom poslu nije u skladu sa tačkom 4.4.2 pod a) tenderske dokumentacije, te članom 48. Zakona o javnim nabavkama. Naime, u dostavljenoj potvrdi, koja je izdata od strane J.P. MOSTAR PARKING d.o.o. Mostar, nisu navedeni tačni datumi trajanja ugovora, odnosno početak i kraj istog, što je bio zahtjev Ugovornog organa. Shodno tome, iz navedene potvrde se ne može utvrditi da je ponuđač u cjelosti uspješno realizovao ugovor, jer je naveden datum isporuke, a ne završetka trajanja ugovora, kao ni da li je iznos odgovarajući ukoliko je ugovor zaključen na duži period, s obzirom da je tenderskom dokumentacijom zahtijevana godišnja vrijednost ugovora ne manja od 6.000,00 KM bez PDV-a.



Druga dostavljena potvrda, izdata od strane JKP ČISTOĆA I ZELENILLO d.o.o. Jajce, je izdata na iznos od 2.340,00 KM bez PDV-a, što ne odgovara traženom iznosu od 6.000,00 KM godišnje vrijednosti, bez uračunatog poreza na dodanu vrijednost.

Imajući u vidu da je članom 57. stav (1) ZJN određeno da je ponuđač dužan pridržavati se svih zahtjeva i uslova iz tenderske dokumentacije, komisija je ocijenila da je ovu ponudu potrebno odbaciti, u skladu sa članom 68. stav (4) tačka i), s obzirom da ne ispunjava sve što je zahtijevano tenderskom dokumentacijom, odnosno da se ponuda proglasi formalno-pravno neispravnom i neprihvatljivom.

## 2. PROCESSCONTROL d.o.o. Sarajevo

Prilikom detaljnog pregleda ponude komisija je uočila više formalno-pravnih nedostataka, i to:

- ANEKS I – Obrazac za ponudu nije popunjen na način zahtijevan tenderskom dokumentacijom. Naime, ponuđač nije naveo popis dostavljenih dokumenata i aneksa sa nazivom istih, a što čini sastavni dio predmetnog obrasca.
- ANEKS IV – Nacrt ugovora nije u potpunosti popunjen, tačnije rubrika preambule predmetnog aneksa koja se odnosi na broj transakcijskog računa, iako je tenderskom dokumentacijom u tački 5.1 pod e) izričito navedeno „samo preambula je obavezna“;
- Potvrda o dobro izvršenom poslu nije u skladu sa tačkom 4.4.2 pod a) tenderske dokumentacije, te članom 48. Zakona o javnim nabavkama. Naime, u dostavljenoj potvrdi o dobro izvršenom poslu navodi se da je datum trajanja ugovora do 26.02.2025. godine, iz čega proizilazi činjenica da ugovor još uvijek nije realizovan. Dalje, predmet ugovora su „Usluge preventivnog i interventnog servisiranja parking sistema sa uključenim isporukama rezervnih dijelova i potrošnog materijala“, uz navode da je u sklopu predmetnog ugovora izvršena isporuka parking kartica u vrijednosti od 10.800,00 KM. Naprijed navedeno je suprotno odredbama tenderske dokumentacije iz razloga što je tražena godišnja vrijednost, a ne ukupna vrijednost za period od 4 godine trajanja ugovora koju je ponuđač naveo.

Dalje, uvidom u tehnički dio ponude, odnosno uzorke, koji su zahtijevani tačkom 5.7 tenderske dokumentacije, gdje je navedeno da ponuđač mora dostaviti jedno pakovanje jednokratnih parking kartica u kutiji, izrađenih u skladu sa tehničkom specifikacijom i crtežima iz ANEKS-a VII, utvrđeno je da dostavljeni uzorci nisu u skladu sa tehničkom specifikacijom.

Naime, tehničkom specifikacijom je predviđeno da kutija posjeduje jedan bočni otvor (slika 1.), dok se na uzorku ponuđača nalaze dva bočna otvora (slika 2.), što bi moglo prouzrokovati probleme u radu parking sistema.

Bočna lijeva i desna strana kutije



Slika 1. – Tehnička specifikacija



Slika 2. – Uzorak ponuđača

Imajući u vidu da je članom 57. stav (1) ZJN određeno da je ponuđač dužan pridržavati se svih zahtjeva i uslova iz tenderske dokumentacije, komisija je ocijenila da je ovu ponudu potrebno odbaciti, u skladu sa članom 68. stav (4) tačka i), s obzirom da ne ispunjava sve što je zahtijevano tenderskom dokumentacijom, odnosno da se ponuda proglasi formalno-pravno neispravnom i neprihvatljivom.



### 3. MIGROS d.o.o. Sarajevo

Prilikom detaljnog pregleda ponude komisija je uočila više formalno-pravnih nedostataka, i to:

- ANEKS I – Obrazac za ponudu nije popunjen na način zahtijevan tenderskom dokumentacijom. Naime, ponuđač nije naveo popis dostavljenih dokumenata i aneksa sa nazivom istih, a što čini sastavni dio predmetnog obrasca.
- Potvrde o dobro izvršenom poslu nisu u skladu sa tačkom 4.4.2 pod a) tenderske dokumentacije. Ponuđač je dostavio tri potvrde o dobro izvršenom ugovoru, i to: isporuka termoosjetljivih etiketa za printanje - izdata od strane KURIER BH d.o.o. Sarajevo, ukrcajne kartice i privjesci za prtljag – J.P. MEĐUNARODNI AERODROM „SARAJEVO“ d.o.o. Sarajevo, te prtljažni privjesci i kuponi za ukrcavanje – AERODROMI REPUBLIKE SRPSKE A.D. Banja Luka. Iz navedenog se može zaključiti da se niti jedna od navedenih potvrda ne odnosi na predmet nabavke, kao i na zahtjev ugovornog organa iz tenderske dokumentacije, gdje je izričito navedeno „potvrda o dobro izvršenom poslu isporuke parking kartica...“.

Dalje, uvidom u tehnički dio ponude, odnosno uzorke, koji su zahtijevani tačkom 5.7 tenderske dokumentacije, gdje je navedeno da ponuđač mora dostaviti jedno pakovanje jednokratnih parking kartica u kutiji, izrađenih u skladu sa tehničkom specifikacijom i crtežima iz ANEKS-a VII, utvrđeno je da dostavljeni uzorci nisu u skladu sa tehničkom specifikacijom.

Naime, kutija koju je ponuđač dostavio ne odgovara zadanim dimenzijama, što ponuđač i sam potvrđuje na stranici 28. ponude, što je suprotno iznad navedenoj tački tenderske dokumentacije.

Imajući u vidu da je članom 57. stav (1) ZJN određeno da je ponuđač dužan pridržavati se svih zahtjeva i uslova iz tenderske dokumentacije, komisija je ocijenila da je ovu ponudu potrebno odbaciti, u skladu sa članom 68. stav (4) tačka i), s obzirom da ne ispunjava sve što je zahtijevano tenderskom dokumentacijom, odnosno da se ponuda proglaši formalno-pravno neispravnom i neprihvatljivom..

### 4. ARGON SISTEMI d.o.o. Sarajevo

Nakon pregleda ponude u skladu sa članom 65. stav (1), a imajući u vidu da ponuda ispunjava zahtijevano tenderskom dokumentacijom, komisija je predložila da se ova ponuda proglaši formalno-pravno, tehnički i računski prihvatljivom.

Dakle, nakon pregleda i analize svih ponuda utvrđeno je da je samo jedna od četiri prispjele ponude u cijelosti prihvatljiva, i to ponuda ponuđača ARGON SISTEMI d.o.o. Sarajevo, sa ponuđenom cijenom od 84.840,00 KM, bez PDV-a. E-aukcija, koja je u ovom postupku bila planirana, nije održana jer je zaprimljena samo jedna prihvatljiva ponuda.

S obzirom na naprijed navedeno, Komisija je predložila Upravi Društva da se ponuda ponuđača ARGON SISTEMI d.o.o. Sarajevo, sa ponuđenom cijenom od 84.840,00 KM, bez PDV-a, prihvati, te ugovor za predmetnu nabavku dodijeli ovom ponuđaču.

Uprava Društva je na svojoj 207. sjednici, održanoj dana 19.04.2024. god., razmotrila Izvještaj i preporuku Komisije, te je, nakon uvida u vođeni postupak, istu i prihvatila, pa je, na osnovu člana 70. Zakona o javnim nabavkama, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

Prilog: Zapisnik o pregledu i ocjeni ponuda;

#### **DOSTAVLJENO:**

1. Ponuđačima
2. Upravi Društva (orig.)
3. Sektoru za administrativnu podršku
  - Služba za komercijalne poslove (orig.);
  - Služba za pravne poslove i protokol;
4. a/a

**DIREKTOR**  
Alan Bajić

